



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU **DEMOKRATSKE STRANKE INVALIDA BiH**

Broj: 03-07-6-423/11
Sarajevo, 16. mart 2012 godine

SADRŽAJ

| | |
|-----------------------------------------------------------|---|
| MIŠLJENJE REVIZORA..... | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5.1. NALAZI..... | 6 |
| 5.2. PREPORUKE..... | 7 |

MIŠLJENJE REVIZORA

Služba za reviziju finansiranja političkih stranaka izvršila je pregled finansijskih izvještaja Demokratske stranke invalida BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2010. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Demokratska stranka invalida nije ispoštovala odredbe člana 8. stav (1) i člana 11. stav (1) i stav (3) Zakona o finansiranju političkih stranaka jer je primila zabranjene priloge, jer ne vodi adekvatne evidencije o svojim prihodima i rashodima i izvještaj nije popunila u skladu sa Pravilnikom o godišnjim finansijskim izvještajima političkih stranaka.

Na osnovu našeg pregleda, odnosno kontrole godišnjeg finansijskog izvještaja Demokratske stranke invalida BiH za 2010. godinu, osim gornjih napomena nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka i člana 15.10 Izbornog zakona BiH.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Demokratske stranke invalida BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana objere rezultata lokalnih izbora, održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska stranka invalida BiH je iskazala ukupne prihode u iznosu od 6.620,00 KM, čija struktura je data u sljedećoj tabeli:

| Red. br. | Vrsta prihoda | Iznos u KM | Učešće u uk. prih. % |
|----------|------------------------|-----------------|----------------------|
| 1 | Članarina | 0,00 | 0,00% |
| 2 | Prilozi fizičkih lica | 0,00 | 0,00% |
| 3 | Prilozi pravnih lica | 6.620,00 | 100,00% |
| 4 | Prihodi od imovine | 0,00 | 0,00% |
| 5 | Prihodi od pr.lica | 0,00 | 0,00% |
| 6 | Prihodi od poklona | 0,00 | 0,00% |
| 7 | Prihodi iz budžeta | 0,00 | 0,00% |
| | Ostali prihodi | 0,00 | 0,00% |
| | Ukupni prihodi: | 6.620,00 | 100,00% |

U godišnjem finansijskom izvještaju politička stranka je iskazala ukupne rashode u iznosu od 27.230,91 KM.

2. PREDSTAVLJANJE POLITIČKE STRANKE

Naziv političke stranke je Demokratska stranka invalida BiH. Skraćeni naziv stranke je DSI BiH. Stranka je registrovana 04.07.2008. godine u Višem sudu u Sarajevu pod brojem 032-0-Reg-08-001261.

Sjedište Demokratske stranke invalida je u Tuzli, Armije RBiH iza broja 23.

Lice ovlašteno za zastupanje stranke je Zijad Arapčić, predsjednik.

Lice ovlašteno za podnošenje finansijskih izvještaja za 2010. godinu je Snežana Halilagić.

Prema podacima iz godišnjeg finansijskog izvještaja, Demokratska stranka invalida BiH nema organizacionih dijelova nižeg nivoa.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske stranke invalida BiH za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2010. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih.

Obim pregleda i kontrole finansijskih izvještaja Demokratske stranke invalida BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja Demokratske stranke invalida BiH za 2006., 2007., 2008. i 2009. godinu. Nakon obavljenog pregleda finansijskog izvještaja ove političke stranke za 2009. godinu, izdat je izvještaj sa nalazima, mišljenjem revizora i preporukama revizije da stranka treba postupati u skladu sa odredbom člana 11. stav (3) Zakona o finansiranju političkih stranaka, odnosno da finansijske izvještaje dostavlja na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka i dalje krši odredbe člana 11. stav (3) Zakona o finansiranju političkih stranaka.

5. NALAZI

a) Demokratska stranka invalida BiH prekršila je odredbe člana 8. stav (1) Zakona o finansiranju političkih stranaka.¹

Kontrolom godišnjeg finansijskog izvještaja i dodatne dokumentacije, Služba za reviziju je utvrdila da je stranka primila zabranjene priloge u ukupnom iznosu od 6.300,00 KM od Federalnog zavoda za zapošljavanje Sarajevo.

Naime, Demokratska stranka invalida BiH je na osnovu Ugovora o sufinansiranju zapošljavanja nezaposlenih osoba s invaliditetom i drugih teže zapošljivih grupa nezaposlenih osoba u 2009. godini, broj: 01-III-1/10 od 05.03.2010.godine, tokom 2010. godine u svrhu obaveze sufinansiranja zapošljavanja jedne osobe sa invaliditetom od Federalnog zavoda za zapošljavanje Sarajevo primila

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke (Član 8. stav 1.)

sredstva u ukupnom iznosu od 6.300,00 KM, što je suprotno odredbama člana 8. stav (1) Zakona o finansiranju političkih stranaka.

b) Demokratska stranka invalida BiH je prekršila odredbe člana 11. stav (1)² i stav (3)³ Zakona o finansiranju političkih stranaka.

Stranka ne vodi adekvatne evidencije o svojim prihodima i rashodima, što je suprotno odredbama člana 11. stav (1) Zakona o finansiranju političkih stranaka i finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06), što je suprotno odredbama člana 11. stav (3) Zakona o finansiranju političkih stranaka.

Uvidom u poslovne knjige stranke utvrđeno je da stranka trošak političkog oglašavanja u programu Radio Gradačac⁴ nije evidentirala u svojim knjigama, što je suprotno odredbama člana 11. stav (1) Zakona o finansiranju političkih stranaka.

Naime, navedeno pravno lice je za stranku izvršilo usluge plaćenog političkog oglašavanja u trajanju 12 sekundi, vezanih za Opće izbore u BiH 2010. godine. Za izvršene usluge stranci je ispostavljen račun broj 32-R-10/10, u iznosu od 49,00 KM koji je stranka platila, ali ga nije evidentirala u poslovnim knjigama.

Stranka u Obrascu 4-2 finansijskog izvještaja (Troškovi propagande) nije iskazala trošak političkog oglašavanja u iznosu od 49,00 KM, što je suprotno odredbama člana 22. Pravilnika o godišnjim finansijskim izvještajima političkih stranaka.⁵

Troškovi izborne kampanje

Demokratska stranka invalida BiH u finansijskim izvještajima nije iskazala troškove u svrhu izborne kampanje.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Demokratska stranka invalida BiH je u svrhu izborne kampanje mogla da potroši 1.610.188,10 KM.

² Prema odredbama člana 11. stav (1) Zakona o finansiranju političkih stranaka, političke stranke su obavezne da vode evidencije o svojim prihodima i rashodima.

³ U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

⁴ Radio Gradačac akt broj:01-4/12 od 25.01.2012. godine

⁵ Prema odredbama člana 22. Pravilnika o godišnjim finansijskim izvještajima političkih stranaka u Obrazac 4-2 (Troškovi propagande) unose se sljedeći podaci: naziv organizacionog dijela političke stranke, vrsta troška, konto i iznos.

⁶ Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Demokratskoj stranci invalida BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa članom 8. stav (1) Zakona o finansiranju političkih stranaka odnosno da se ne finansira prihodima zabranjenim ovim Zakonom.*
- *da postupa u skladu sa odredbama člana 11. stav (1) i stav (3) Zakona o finansiranju političkih stranaka, odnosno da vodi evidencije o svojim prihodima i rashodima te da finansijske izvještaje podnosi Centralnoj izbornoj komisiji Bosne i Hercegovine u formi propisanoj Pravilnikom o godišnjim finansijskim izvještajima političkih stranaka.*

KOMENTAR

Demokratska stranka invalida BiH nije se očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2010. godinu koji je stranci dostavljen 09.02.2012. godine.

Mr. Hasida Gušić, šef Službe za reviziju

Veliborka Kenjić, revizor

Anela Burdžović Kapić, pomoćnik revizora